



## যখন যেমন তখন তেমন

আগের থেকেই ওদের স্থির ছিল যে এবারের মহরমে তাজিয়াটা ওরা খুব প্রকাশ করে করবে। হয়েছেও তাই, অন্যবারের চেয়ে এবারের তাজিয়াটা অস্তুত ছ গুণ বড় হয়েছে—আর উঁচুও হয়েছে প্রায় দোতলা বাড়ির সমান! তাজিয়াটা দেখে ওদের আনন্দ আর ধরে না—হ্যাঁ, একখানা তাজিয়ার মত তাজিয়া বটে! এ অপূলের আর কারুর তাজিয়াকে ওদের ছাড়িয়ে উঠতে হবে না সে সম্বন্ধে ওরা নিঃসন্দেহ।

কিন্তু একটা হলো মূশকিল। যে যে রাক্ষা দিয়ে তাজিয়াটা যাবে তার দুপাশের কোন কোন গাছের শাখা-প্রশাখায় ওটার বাধা পাওয়ার আশঙ্কা রইলো। এটা ওদের ধারণায় আসেনি, আজই প্রথম চোখে পড়ল হঠাৎ। তাই আজ মহরমের দিনে সকাল থেকেই গাছে গাছে লোক লেগে গেছে ডালপালা ছাঁটার কাজে!

এই নিয়মে আলোচনা চলছিল তর্কচণ্ডু ও ন্যায়বাগীশের মধ্যে—‘এবার মুসলমানদের তাজিয়াটা বড় হলো কেন জানো হে তর্কচণ্ডু! আমার জন্যই!’

বিস্ময়াবিষ্ট তর্কচণ্ডু বলল—‘বলো কি হে ন্যায়বাগীশ, তুমি—তুমি—তোমার—’

‘আহা, আমি কি ওদের কানে কানে বলতে গোঁছ! আমার অভিষাপের জন্যই এটা হলো!’

‘তুমি অভিষাপ দিয়ে ওদের তাজিয়া বাড়িয়ে দিলে? শাপে বর হয়ে গেল যে হে!’

‘আহা, আমি কি তাজিয়ারকে অভিশাপ দিতে গেছি? সেদিন তোমার বললাম না? বড় রাস্তা দিয়ে যেতে একটা ক্ষুদ্র প্রশাখা এসে পড়ল আমার পৃষ্ঠদেশে—তোমাকে বলিনি কথাটা? এখনো পৃষ্ঠে বেশ বেদনা রয়েছে!’

‘বলোছিলে বটে, কিন্তু তার সঙ্গে তাজিয়া বৃক্ষের সম্পর্ক তো খুঁজে পাচ্ছি না ভায়া!’

‘তৎক্ষণাৎ আমি পিঠে হাত বুলাতে বুলাতে বৃক্ষদের ব্রহ্মশাপ দিলাম, বড় বাড় বেড়েছিল তোর। ভস্ম হয়ে যা। বুঝলে হে তর্কচণ্ডু, এখনো প্রত্যহ কাঁচকলা দিয়ে হবিষ্যাস করি, আমার ব্রহ্মশাপ কি ব্যর্থ হবার?’

তর্কচণ্ডু ঘাড় নাড়তে নাড়তে বলল—‘ঠিক বুঝতে পারলাম না ভায়া! বড় রাস্তার গাছগুলো তো আজ প্রাতঃকালেও সজীব দেখেছি, ভস্ম হয়ে যাননি তো!’

‘এইবার হবে। সবুরে মেওয়া ফলে! সাপের বিষ ধরতে সময় লাগে, ব্রহ্মশাপের বেলাই কি অন্যথা হবে? কেন, দেখতে পাচ্ছ না? আজ প্রত্যহ হতেই বড় রাস্তার শাখা-প্রশাখা সব কাটা পড়েছে, তাজিয়া যাবার জন্য। সেই সব ছিন্ন শাখা-প্রশাখা জমিদারবাড়ি চলে যাচ্ছে ইন্ধনের নিমিত্ত। একবার উনুনে ঢুকলে ভস্মসাৎ হতে আর কতক্ষণ হে?’

তর্কচণ্ডু নিঃশ্বাস ফেলে বললেন—‘ও, এতক্ষণে বুঝলাম ব্যাপারটা। তোমার ব্রহ্মশাপের ফল যে এতদূর গড়াবে আগে ভাবতে পারিনি।’

ন্যায়বাগীশ আশ্ফালন করতে লাগলেন—‘ঠিক হয়েছে, চূড়ান্ত হয়েছে। আজকাল ব্রহ্মশাপ ফলে না যারা বলে তারা দেখুক এসে। ওঃ, এখনো আমার পৃষ্ঠদেশে বেদনা রয়েছে হে!’

বেদান্ত-শিরোমণি হুকো টানতে টানতে উপস্থিত হলেন—‘বুঝলে হে তর্কচণ্ডু, সমস্তই মায়া!’

তর্কচণ্ডু বললেন—‘তবু একটু সতর্ক হয়ে টানাই ভাল। যেভাবে হুকোটাকে ধরেছ, যদি কলকের আগুন নলচে টপকে পায় এসে পড়ে তখন সমস্তটা ঠিক মায়া বলে বোধ হবে না।’

হুকোটা পৃথিবীর সঙ্গে প্রায় সমান্তরাল হয়ে এসেছিল, বেদান্ত শিরোমণি ওকে রাইট অ্যাঙ্গেলে স্থাপন করে বললেন—‘যা বলেছ। বিশেষত গায়ে না পড়ে যদি বস্ত্রে লাগে তবে ত পাঁচ সিকের ধাক্কায় ফেলেছে। বস্ত্র কি আত্মা হে আজকালকার বাজারে—আড়াই মূদ্রা জোড়া! ঠিক বলেছ তুমি তর্কচণ্ডু! সাবধানের বিনাশ নাই।’

ন্যায়বাগীশ বললেন—‘স্মৃতিরত্নকে দেখছি না, আজ সকাল থেকে কোথায় গেল সে?—’

জঙ্গীপুর গ্রামটিকে ব্রাহ্মণ-প্রধান বলাই উচিত কেননা ব্রাহ্মণরাই এখানে প্রধান—অন্তত তাদের নিজেদের কাছে। হাড়ি, মূচি, ডোম, বাগদি প্রভৃতি শ্রেণীর কয়েক ঘর থাকলেও, তাদের সঙ্গে ব্রাহ্মণদের কোন সম্পর্ক নেই—না অন্তরের, না বাইরের। স্মৃতিরত্ন, তর্কচণ্ডু, ন্যায়বাগীশ, কাব্যতীর্থ আর বেদান্ত-

শিরোমণি—এই পাঁচঘর, চারিধারের স্নেহতা আর অস্পৃশ্যতার সমুদ্রে মোহনার পাঁচটি ব-দ্বীপের মতো কোন রকমে নিজেদের মাহাত্ম্য ও শূন্যতা বাঁচিয়ে রেখেছেন।

স্নেহতার সমুদ্রই বলতেই হবে, কেননা এর আশপাশ থেকে শূন্য করে বহু দূর পর্যন্ত কেবল মুসলমান আর মুসলমান। চারিধারেই মুসলমানের বাস্তব—জাঙ্গির নামের মধ্যেই তার পরিচয় রয়েছে। যখন পোলাও, কাঙ্গিয়া আর মুরগী রান্নার সৌরভ এসে আক্রমণ করে তখন স্মৃতিরঙ্গ ঘন ঘন নাকে নস্য দিতে থাকেন, কাব্যতীর্থ ওর ফাঁকে এক আধটু ঘ্রাণে অর্ধ ভোজন করে নেন হয়ত, কেবল বেদান্ত শিরোমণি ঘন ঘন হুকো টানেন আর বলেন—মায়া, মায়া, সমস্তই মায়া।

বলতে বলতে স্মৃতিরঙ্গ এসে উপস্থিত। তর্কচণ্ডু বললেন—‘বহুদিন বাঁচবে তুমি হে! বহুকাল জীবিত থাকবে! এই মাত্র ন্যায়বাগীশ তোমার নাম উচ্চারণ করছিল।’

বেদান্ত-শিরোমণি হুকোটা তর্কচণ্ডুর হাতে দিয়ে বললেন—‘বাঁচলে কি হবে, সমস্তই মায়া। ওর বাঁচাও যা, মরাও তাই।’

ন্যায়বাগীশ বললেন,—‘উহু, মরাটাকে ঠিক তাই বলতে পারি না! মরলে শ্রাদ্ধের একটা ভোজ পাওয়া যাবে, সেটাকে কি ঠিক মায়া বলা যায়? তুমি এই সাতসকালে কোথায় গেছলে হে স্মৃতিরঙ্গ?’

‘আর বোলো না! একটা জাতিচ্যুতির ব্যাপার।’

সবাই আগ্রহে ঘন হয়ে এল—‘বলো কি হে? কার জাতিচ্যুতি হলো আবার?’

‘নতুন কুপটার। বৃষতে পারছ না? বাজারের নতুন ইঁদারাটার গো! মূর্চরা বালতি ভুবিয়েছিল।’

কাব্যতীর্থ দূরে দাঁড়িয়ে দাঁতন করছিলেন, এইবার এগিয়ে এলেন, ‘তা ভুবিয়েছিল, অর্মানি কুপের জাত মারা গেল? এই দারুণ গ্রীষ্মের দ্বিপ্রহরে যা জল পিপাসা হয় তা কহতব্য নয়—আর মূর্চ বলে কি ক্ষুধা-তৃষ্ণা নেই ওদের? কোথায় যায় বেচারারা কও দেখি।’

স্মৃতিরঙ্গ হুক্কার দিয়ে উঠলেন—‘তুমি থামো কাব্যতীর্থ! কাব্যের অনুশাসনে কিছু সংসার চলছে না। মনুসংহিতার বিধান মেনে চলতে হবে আমাদের। তোমাদের কি—কথায় বলে, নিরক্ষুশাঃ কবয়ঃ।’

ন্যায়বাগীশ বললেন—‘তা তুমি কি বিধান দিলে স্মৃতিরঙ্গ?’

‘যা শাস্ত্র রয়েছে তা ছাড়া আবার কি? প্রায়শ্চিত্ত বিধান দিলাম।’

বেদান্ত শিরোমণি বিস্ময়ে বললেন—‘ইঁদারার প্রায়শ্চিত্ত, সে আবার কি হে? ইঁদরের প্রায়শ্চিত্ত হলেও না হয় বৃষতাম; তবে একটা কথা, কিছুই বোঝার আবশ্যিক করে না—সমস্তই মায়া কি না!’

স্মৃতিরঙ্গ বললেন—‘মাথা মূর্ড়িয়ে ঘোল ঢালার নামই প্রায়শ্চিত্ত—কুপের বেলায় কি তার অন্যথা হবে? শান-বাঁধানো মাথাটা চেঁছে ফেলা হলো, তারপর

পঞ্চগব্য দিয়ে সমস্ত জায়গাটা ভাল করে মাজা হলো, তারপর কলসপূর্ণ ঘোল ঢেলে দেওয়া হলো কুপের মধ্যে।’

কাব্যতীর্থ দুঃখ প্রকাশ করলেন—‘আহা, পেটে গেলে কাজ দিত হে! এই দারুণ গ্রীষ্মে ঘোলের শরবত অতি উপাদেয়।’

ন্যায়বাগীশ বললেন—‘কিন্তু পাপ করল মূর্চিরা, প্রার্থীচতু কুপের। উদোর পিণ্ডি বৃন্দোর ঘাড়ে, এটা কি রকম ন্যায়সঙ্গত?’

স্মৃতিরঙ্গ বললেন—‘তারও ব্যবস্থা করছি। আমি কি সহজে ছাড়বার পাঠ? জমিদার-বাড়ি হয়েই আসছি, ভিটেমাটি-উচ্ছেদ করে মূর্চিদের গাঁ থেকে তাড়িয়ে দেবার কথা বলে এলাম। একেবারে প্রার্থীচতুর বাবা, কি বলো হে তর্কচণ্ড?’

তর্কচণ্ডু মাথা নাড়তে লাগলেন—‘ভাল কাজ করো নি হে! হাঁড়িজনরা সব হরিজন হচ্ছে আজকাল, একটু সতর্ক থাকতেই হয়। যদি বাগে পেয়ে গা থেকে চামড়া ছাড়িয়ে নেয়? অবশ্য আমরা গরু নই এবং এখনও মারিনি—মরা গরুরই ওরা ছড়ায়। কিন্তু ভ্রম হতে কতক্ষণ? রঞ্জুতে সর্প ভ্রম হয়, আর ব্রাহ্মণে গরু ভ্রম হবে এ আর বেশি কথা কি?’

বেদান্ত শিরোমণি হুকোটা হাতে নিয়ে বললেন—‘হাঁ, এখন কিছুদিন সতর্ক থাকতেই হবে, যা ব্যবস্থা দিয়ে এসেছেন স্মৃতিরঙ্গ! যদিও সমস্তই মারা তবু প্রাণের মারাটাই হলো তার মধ্যে প্রধান। সাবধানের বিনাশ নেই, কি বলো হে তর্কচণ্ডু?’

তর্কচণ্ডু এমন সময়ে প্রস্তাব করলেন—‘চলো, মহরমের তাজিয়াটা দেখে আসিগে! ন্যায়বাগীশের ব্রহ্মশাপের ফলে ওটার কতদূর শ্রীবৃদ্ধি হয়েছে, চক্ষু-কর্ণের বিবাদভঞ্জন করে আসা যাক!’

স্মৃতিরঙ্গের নাসিকা কুণ্ডিত হলো—‘শ্লেচ্ছদের ব্যাপার.....’

ন্যায়বাগীশের উৎসাহ দেখা গেল—‘তাতে কি! দূরে দাঁড়িয়ে দেখবে।’

কাব্যতীর্থ যোগ দিলেন—‘তাজ আর তাজিয়া উভয়ই এক বস্তু শূন্যেছি। তাজমহল থেকেই তাজিয়ার উৎপত্তি মনে হয়! তাজমহল চাক্ষুষ করার আশা তো নেই কোনদিন, তাজিয়া দেখেই আশ মিটানো যাক।’

বেদান্ত শিরোমণি বললেন—‘সবই মারা জানি, তবু চলো। একটা দ্রষ্টব্য ব্যাপার যে তাতে সন্দেহ নাস্তি!’

যা শোনা গেছিল সত্যি! এত বড় উঁচু তাজিয়া এ অঞ্চলে দেখা যায়নি, অস্তিত স্মৃতিরঙ্গ তো জন্মাবধি দেখেননি, কাব্যতীর্থ যে রকম হাঁ করেছেন তাতে মনে হয়, পরজন্মেও যে এত বড় তাজিয়া তিনি দেখতে পারেন তেমন প্রত্যাশা তিনি রাখেন না। বেদান্ত শিরোমণির কাছে সমস্তই মারা, তিনি হুকোর ধোয়ার ভেতব দিয়ে এই অপূর্ব সৃষ্টিটিকে পুঙ্খানুপুঙ্খ পর্যবেক্ষণ করতে লাগলেন। আর ন্যায়বাগীশের কথা বলাই বাহুল্য, তাঁরই ব্রহ্মশাপের জোরে যেন তাজিয়া মূর্তি পরিগ্রহ করেছে, সাফল্য-গর্বে হাসি তাঁর ধরেনা আর।

কেবল কাব্যতীর্থের মূখ দিয়ে বাক্য বেরয়—‘হ্যাঁ, তাজমহলই বটে!’

মহরমের শোভাযাত্রা বেরবার জন্য তৈরি হচ্ছিল, কিন্তু মূশকিল বেধেছিল ঐ তাজমহলকে নিয়েই। ওটাকে বইবে কে? কারা? যেমন উঁচু, ভারিও সেই অনুপাতে কিছু কম হয়নি। তাছাড়া সবাই লাঠি ঘোরাতে ঘোরাতে যেতে চায়, তাজিয়া বয়ে মরতে রাজি নয় কেউ। সমাগত ব্রাহ্মণ-পাণ্ডিতদের দেখিয়ে ওদের মধ্যে একজন প্রস্তাব করল, 'ওই হাদু মৌলবীদের ঘাড়ের উপর চাপিয়ে দিলে হয় না?'

ওদেরই মধ্যে যে একটু বিশেষজ্ঞ সে বলল—'চুপ চুপ, ওরা সব পান্ডিৎ। মৌলবী কইলে ওনাদের গোসা হইবে, তখন আর ওনারা কাঁধ দিতে রাজি হবেননি।'

প্রস্তাব শুনে 'পাণ্ডিৎদের' চক্ষু তো চড়কগাছ! ন্যায়বাগীশের এখনো পৃষ্ঠপ্রদেশের বেদনা মরেনি, তার উপর ওই ভারি তাজিয়া বইতে হলেই তো তাঁর হয়েছে! কতদূর নিয়ে যেতে হবে কে জানে! স্মৃতিরঙ্গের মাথায় যেন বজ্রাঘাত হলো, তিনি আমতা আমতা করে বললেন—'বাপু আমরা হলেম গিয়ে—আমরা গিয়ে—ও হে কাব্যতীর্থ, স্নেহ কথার পারসিক প্রতিশব্দটা কিহে?'

শূঙ্ক মুখে কাব্যতীর্থ বললেন—'কাফের।'

'হ্যাঁ, আমরা হলাম গিয়ে কাফের। আমরা ছুঁলে তোমাদের দেবতা অশুদ্ধ হবে না?'

যাদের মিলিটারি মেজাজ তারা কথার ঘোরপ্যাঁচ পছন্দ করে না, আইন-কানূনের সূক্ষ্ম তর্কেও তাদের উৎসাহ নেই! স্মৃতিরঙ্গের অত বড় তত্ত্ব-জিজ্ঞাসার জবাবে এই সংক্ষিপ্ত কথটা ওরা জানাল যে তাজিয়া বইতে রাজি না হলে মাথাগুলো রেখে যেতে হবে।

তর্কচণ্ড স্মৃতিরঙ্গকে প্রশ্ন করলেন—'এ সন্ধে মনুর কি বিধান? যবনদের তাজিয়া বওয়া কি শাস্ত্রসম্মত?'

স্মৃতিরঙ্গ হতাশভাবে মাথা নাড়লেন। কাব্যতীর্থ বলেন—'এ সন্ধে বেদবাক্য কিছু না থাকলেও প্রবাদবাক্য একটা আছে বটে, তাতে বলে—পড়েছ মোগলের হাতে—খানা খেতে হবে সাথে।'

বেদান্ত-শিরোমণি বললেন—'যদিও সমস্তই মায়ী তবু মাথাকে স্কন্ধচ্যুত করার চেয়ে তাজিয়াকে সন্ধে নেওয়াই আমার মতে সমীচীন। কি বলো হে ন্যায়বাগীশ?'

ন্যায়বাগীশ কিছুই বলেন না, কেবল পিঠে হাত বুলান। শোভাযাত্রা বেরিয়ে পড়ল। প্রথমে চলল জোয়ান ছোকরার দল লাঠি ঘোরাতে ঘোরাতে, তাদের অনুসরণ করে অপেক্ষাকৃত বেশি বয়স যাদের তারা সবাই লম্বা লম্বা লাঠি উঁচু করে—মুহুঁহুঁ লাঠিতে লাঠিতে ঠোকাঠুঁকি বাধানোই হলো তাদের কাজ। তারপর চলছিল ছয়টা জয়ঢাক, তাদের আওয়াজে কানে তলা লাগবার ষোগাড়। তাদের পেছনেই আরেকদল চলল—তাদের বুক বোধকরি পাথরের—তারা খালি 'হাসান হোসেন' বলে আর বুক চাপড়ায়। তারপরেই পান্ডিৎদের পৃষ্ঠারূঢ় চলমান তাজমহল। চলমান এবং টলমান।

তর্কচণ্ডু কাঁধ বদলে নিয়ে বলেন—‘শাপটা দিয়ে ভাল করোনি হে ন্যায়াগীশ ! এখন ঠেলা সামলাও ।’

ন্যায়াগীশের কণ্ঠস্বর অত্যন্ত করুণ শোনায়—‘আর ভাই, কে জানে স্ক্রামশাপের জের এতদূর গড়াবে ।’

কাব্যতীর্থ অনুসন্ধিৎসা প্রকাশ করেন—‘ব্যাটারা অমন করে বুক চাপড়ায় কেন হে ?’

বেদান্ত-শিরোমণি ভারী গম্ভীর হয়ে যান—‘সমস্তই মায়্যা, কিন্তু মায়াদয়া নেই ব্যাটাদের । এত ভারী করার কি দরকার ছিল এমন ! তাছাড়া যা পে’রাজের গন্ধ ছেড়েছে—’

করাঘাতকারীদের একজন পণ্ডিতদের বলে—‘হ্যাঁ দ্যাখো । তোমরা চাপড় দাও না ক্যান ? ছাতি চাপড়াও ।’

স্মৃতিরঙ্গ বললেন—‘এর ওপর যদি আবার বুক চাপড়াতে হয় তাহলে তাজিয়া পড়ে যাবে কিন্তু ।’

ন্যায়াগীশ ভীত হয়ে ওঠেন—‘সর্বনাশ । একেই আমার পৃষ্ঠে ব্যথা তারপর তাজমহল-চাপা পড়লে আর বাঁচব না ।’

ওরা বিরক্তি প্রকাশ করে—‘চাপড় যদি না দিবা তো আমরা যা কইতেছি তাই কও ।’

স্মৃতিরঙ্গ চাপা গলায় প্রশ্ন করেন—‘কি বলছে ব্যাটারা বুঝতে পারছ কিছুর ?’

‘বোধ হয় বলছে—’ তর্কচণ্ডু চুপি চুপি কথাটা জানান । স্মৃতিরঙ্গ ঘাড় নাড়েন—‘ঠিক বলেছ, তাই হবে ।’

ওরা বলতে বলতে চলে—‘হাসেন হোসেন, হাসেন হোসেন, হাসেন হোসেন...’

পণ্ডিতেরা অগত্যা যোগ দেন—‘যখন যেমন, তখন তেমন ! যখন যেমন, তখন তেমন...’

---

Jokhon Jemon Tokhon Temon  
by  
Shibram Chakrabarti



For More Books & Muzic Visit [www.MurchOna.com](http://www.MurchOna.com)  
MurchOna Forum : <http://www.murchona.com/forum>  
[suman\\_ahm@yahoo.com](mailto:suman_ahm@yahoo.com)  
[s4suman@yahoo.com](mailto:s4suman@yahoo.com)